

## “Zure ideiak balio du” lehiaketaren XVIII. edizioa, 2022

Arabako Foru Aldundiak, Gasteizko Udalak, BIC Arabak eta Fundación Vital Fundazioak ideia ekintzaileen “Zure ideiak balio du” lehiaketaren XVIII. ediziorako deialdia egin dute, Araba Ekinean lehiaketaren XVI. edizioaren esparruan.

### 1. Lehiaketaren helburua

Arabarren ideia ekintzaileen berri ematea, haien garapen-maila edozein izanik ere. Jarduera honen xedea da berritzaileak, sortzaileak eta egokiak diren negozio-ideiak aitortzea eta ezagutaraztea.

2022ko edizio honetarako honako kategoria hauek ezarri dira, baita ikusleen sari berezi bat ere:

- **Idea onenaren On4u Saria:** kategoria honetan, garatu ez diren, baina originalak izateagatik edo etorkizunerako ahalmen handia edukitzeagatik ezagutaraztea merezi duten ideiak jasoko dira. Horren bidez, oraindik garatu ez badute ere ekintzaile-espirtua baduten ikasle gazte edo pertsonen parte-hartzea sustatu nahi du Epaimahaiak. Ideia irabazlearen saria diploma bat izango da, baita 500 euro ere, eskudirutan, On4u Global Services agentziaren babesletzarekin.
- **Ekimen jasangarrienaren Aclima Saria:** 2022ko edizioan eutsi egingo zaio garapen jasangarriaren balioak hobekien islatzen dituen eta ekonomia zirkular berriaren elementuak hobekien sustatzen dituen proiektuarentzako sariari. Sari hori Ingurumen Industrien Euskadiko Kluster Elkarteak (Aclima) babesten du, eta Epaimahaiak diploma bat eta 500 euro emango dizkio aurkeztutako proiekturik onenari.
- **Merkataritza eta Turismoko Gasteiz ON Saria:** Merkataritza eta turismoaren esparruan garatu ahalko diren proiektu guztiak bilduko dira atal honetan. Sari hori Gasteiz ON erakundeak babesten du, eta Epaimahaiak diploma bat eta 1.000 euro emango dizkio aurkeztutako proiekturik onenari.
- **Nekazaritzako elikagaien ekimen onenaren Eroski Saria:** Epaimahaiak diploma bat eta 1.000 euro emango dizkio nekazaritzako elikagaien sektorean egitekoa den aurkeztutako proiekturik onenari. Sari hori Eroski erakundeak babesten du.
- **Ekimen industrial onenaren Michelin Saria:** Industria-esparruan aurkeztutako proiekturik onenak ere diploma bat eta 1.000 euro jasoko ditu. Michelin Fundazioak babesten du sari hori.

- **Zerbitzu-sektoreko ekimen onenaren Prezero Saria:** Pertsonen premiak gogobetetzera bideratutako proiektuak biltzen dira atal honetan, baina merkataritza eta turismoaren esparrukoak ez direnak, azken horiek kategoria propioa baitute. Irabazten duen proiektuak diploma bat eta 1.000 euro. (eskudirutan) jasoko ditu.
- **Krisialditik ateratzeko soluzio eraldatzaileenaren Fundación Vital Fundazioa saria:** aurkeztutako proiektu guztien artean, soluzio berritzaileena proposatzen duten proiektua eta pandemiak eragindako krisialdia gainditzeko eraldaketa bat dakarrena aukeratuko da. Kategoria horri lotutako saria 1.000 euroko saria da, diploma frogagarri batekin batera, eta Araba Ekinean ekimeneko lau eragile bultzatzaileetako batek sustatzen du, Fundación Vital Fundazioak.
- **Metxa Sari Berezia:** Aurreko kategoria guztietako proiektu guztien artean proiektu berritzaile eta eskalagarriena aukeratuko du Metxa azeleratzaileak, eta sari berezi bat emango zaio, hau da, Metxa Bootcamp gunean doan parte hartzea, 4.000 euroan balioetsitako partaidetzarekin.
- **Ikusleen Sari Berezia:** Aurreko kategorietako proiektu guztien artean, bertaratutako ikusleek aurkezpenik onena bozkatuko dute, eta irabazleari Ikusleen Sari Berezia emango zaio, hau da, saria egiaztatzen duen diploma eta 300 euro eskudirutan.
- **Enpresa-arloko eraldaketa sozialaren RPK sari berezia:** Aurkeztutako proiektu guztien artean, edozein kategoriatara aurkezten direla ere, RPK-k inpaktu sozial handiena eta onena duena hautatuko du, industriaren eta eraldaketaren sozialaren arteko lerrokatzea ezartzeko moduan. 1.000 euroko saria izango da.

## 2. Parte hartzaileak

Proposamen edo ideia ekintzaileak dituen pertsona orok (adin-mugarik gabe) parte har dezake; Araban bizi direnei edo Arabako ikasleei lehentasuna emango zaie, baina ez da kontuan hartuko ideia ekintzailea zein sortze- edo garapen-fasetan dagoen.

Lehiaketara aurkeztutako negozio-ideiek Arabako lurraldean planteatuta egoteko eskakizuna bete beharko dute, edo, bestela, proiektuaren kudeaketaren gune nagusiak Araban kokatuta egon beharko du nahitaez.

Parte-hartzaileek banaka edo taldean aurkeztu ahal izango dituzte beren proposamenak, eta proposamen horiek edozein jarduera edo enpresa-sektoretarako izan daitezke.

### 3. Lanen aurkezpena

"Zure ideiak balio du" lehiaketaren XVIII. deialdiaren oinarriak argitaratzearekin batera irekiko da proposamenak aurkezteko epea, 2022ko urtarrilaren 27an, eta urte bereko martxoaren 25ean amaituko da, 14:00etan.

FORMATU ELEKTRONIKOAN AURKEZTU BEHARREKO NAHITAEZKO DOKUMENTAZIOA:

- Parte-hartzaile(ar)en izen-abizenak
- Parte-hartzaile(ar)en NANaren fotokopia
- Harremanetarako telefonoa eta emaila
- Ideia ekintzaileari buruzko azalpen-memoria (GEHIENEZ 5 FOLIO, erantsi nahi diren irudiak edo bideoak kontuan izan gabe)
- Proposamenaren izenburua
- Sustatzaileak
- Ideia ekintzailearen laburpena
- Balizko merkatua
- Xede- publikoa
- Hala badagokio, ideiak orain arte egindako ibilbidea eta esperientzia edo jasotako errekonozimenduak (sariak, diplomak...)
- Harremanetarako telefono-zenbakia eta helbide elektronikoa
- Proposamenaren maketa, beharrezkotzat hartzen denean (formatu fisikoan edo digitalean)\*

2022ko urtarrilaren 27tik martxoaren 25era bitarte igorri beharko da dokumentazio hau formatu elektronikoa [info@alavaemprende.com](mailto:info@alavaemprende.com) helbide elektronikora. "Zure ideiak balio du" lehiaketaren XVIII. deialdiari dagokionez edozein zalantza argitzeko [info@alavaemprende.com](mailto:info@alavaemprende.com) helbide elektronikora idatzi ahalko da edo 945232548 telefono-zenbakira deitu

Aurkezten den proposamen ekintzaile bakoitzari dagokion dokumentazioa FORMATU DIGITALEAN bidali behar da, EZ PAPEREAN.

\* Beren ideia ekintzailearen maketa fisikoa aurkeztu nahi dutenek Araba Ekinean lehiaketaren Idazkaritza Teknikoaren egoitzara (Herminio Madinaveitia kalea, 22; Gasteiz) eraman beharko dute, eta "Zure ideiak balio du" lehiaketaren XV. edizioa amaitu ondoren itzuliko zaie. Epaimahaiko kideek eta Idazkaritza Teknikoko langileek bakarrik eskuratuko dute maketa eta hari dagokion proiektuari buruzko informazioa. Informazioaren inguruko konfidentziasuna bermatzen da.

## 4. Proiektu irabazleak hautatzeko eta erabakitze prozesua

### 4.1 Proiektu finalisten lehen hautaketa

Behin proposamenak 2022ko urtarrilaren 27tik martxoaren 25era ezarritako epean aurkeztutakoan, hobekien balioetsitako proiektuak aurrez aukeratuko ditu epai-mahaiak, eta apirilean egingo den ekimen online-presentzial batean sozializatuko da ekimen hori, proiektu finalistak ezagutaraziko diren ekimen batean.

Une horretatik aurrera, Araba Ekinean lehiaketako Idazkaritza Teknikoa finalera iristen direnekin harremanetan jarriko da maitzaren 19an Gasteizko Europa Biltzar Jauregian izango den ekitaldian finalista guztiek beren ideia ekintzaileen aurkezpen publikoa prestatzeko aplikatu beharreko jarraibideak zein diren adierazteko.

Aurkeztutako ideien balio-proposamena hobetzeko eta edizio honetako berritasun gisa, finalista diren ideien jabe diren pertsonak prestakuntza espezifikoko bat jasotzeko aukera izango dute, hiru orduko iraupena izango duena, Europa Jauregian, maitzaren 11n. Prestakuntza hori egitea balio erantsia izango da bertan parte hartzen dutenentzat eta, horrekin batera, prestakuntzak berak proiektuen aurkezpen publikoa optimizatzea ahalbidetuko dio antolakuntzari, ekitaldiari homogeneotasun handiagoa emanez.

Dokumentazioa aurkezteko unean islatu beharko da prestakuntza horretan parte hartzeko konpromisoa, eta epaimahaiak modu positiboan balioetsiko du bertan parte hartzea.

### 4.2 Aurkezpen publikoa

Proiektuen aurkezpena diapositiba-erakusketa labur batekin egingo da, **maitzaren 19an (osteguna)**, arratsaldean, Europa Jauregian, eta oso bisualak izango dira (adibidez, pecha kucha formatua), iruditan, esloganetan eta funtsezko ideiatan oinarrituta, proiektuak irailaren amaiera-alderako aurreikusitako ekitaldian aurkezteko

Ekitaldi horretan, parte-hartzaile bakoitzak 5 minutu izango ditu gehienez ere (denbora hori gainditzen badu, proiektua penalizatu egingo da, eta epaimahaiak ematen dion puntuazioan kontuan izango da penalizazio hori).

Epaimahaiak ezarritako 9 lehenengo kategorietan aurkeztutako proiektuen inguruan eztabaidatuko du, eta bertaratutako ikusleek epaia emango dute zuzenean, Ikusleen Sari Berezia merezi duen proiektua izendatuz.

Une horrek berebiziko garrantzia du ideia ekintzaileak defendatzeko eta saltzeko, baita proiektuan jarritako konfiantza erakusteko eta Epaimahaia eta bertaratutako jendea proiektuaren alde jartzea lortzeko ere.

#### 4.3 Sari-banaketa

Edizio honetan ezarritako honako kategoria hauei dagozkien 10 sari emango dira

- **Idea onenaren On4u Saria:** diploma eta 500 euro
- **Ekimen jasagarrienaren Aclima Saria:** diploma eta 500 euro
- **Merkataritza eta Turismoko Gasteiz ON Saria:** diploma eta 1.000 euro
- **Nekazaritzako elikagaien ekimen onenaren Eroski Saria:** diploma eta 1.000 euro
- **Ekimen industrial onenaren Michelin Saria:** diploma eta 1.000 euro
- **Zerbitzu-sektoreko ekimen onenaren Prezero Saria:** diploma eta 1.000 euro
- **Soluzio berritzailea krisialditik ateratzeko:** Diploma y 1.000 euros
- **Metxa Sari Berezia:** diploma eta plaza bat Metxa Bootcamp gunean, 4.000 euroan balioetsitakoa
- **Ikusleen Sari Berezia:** diploma eta 300 euro
- **Enpresa-arloko eraldaketa sozialaren RPK sari berezia:** diploma eta 1000 euro

Sari-emate ekitaldia **2022ko maiatzaren 25ean** egingo da, arratsaldean, Europa Biltzar Jauregian, Araba Ekinean 2022 jardunaldi nagusiaren markoan, eta proiektuko kideren batek ekitaldian egon beharko du nahitaez saria jaso ahal izateko, eta inor ez badago, hurrengo sailkatuari egokituko zaio saria.

### 5. Epaimahaia

“Zure ideiak balio du” ideia ekintzaileen lehiaketaren XVII. deialdiko epaimahaia honako erakunde hauetako ordezkariak osatuko dute: Arabako Foru Aldundia, Gasteizko Udala, Arabako Merkataritza Ganbera, Ajobask, BIC Araba, Fundación Vital Fundazioa, SECOT, Hetel, Ikaslan, UPV-EHU (Arabako Campusa), Deustuko Unibertsitatea, Metxa, Enprendiza, Aclima, Michelin Fundazioa, One4you, Gasteiz On, ASLE, Eroski, Prezero eta RPK.

Epaimahaiaren erabakia epaimahaiko kideen gehiengoz ebatziko da, betiere proposamenek daukaten sormenaren, bideragarritasunaren eta Arabako enpresa-sarean izan dezaketen eraginaren eta ezartzeko aukeraren arabera.

Epaimahaiaren erabakia apelaezina izango da.



Epaimahaiak hutsik utz dezake ezarritako edozein kategoria.

“Zure ideiak balio du” lehiaketan parte hartzen duen orok oinarri guztiak onartu behar ditu.

## **6. Komunikazioa eta hedapena**

Araba Ekinean ekimenaren XVIII. edizioko jarduera-programa prentsaurrekoan zabalduko da, eta lehiaketari buruzko informazio guztia honako gune hauetan egongo da eskuragarri:

- Webgunea: [alavaemprende.com](http://alavaemprende.com)
- Sare sozialak: [@alavaemprende](https://twitter.com/alavaemprende) (Twitter) eta Alava Emprende (Facebook)